

ხელშეკრულება სადაზღვევო მომსახურების შესახებ # 2656348/15

ქ. თბილისი

თარიღი: 21.08.2015

სს "სადაზღვევო კომპანია ჯიპიაი ჰოლდინგი" (მისამართი: კოსტავას 67, თბილისი, საქართველო; საიდენტიფიკაციო კოდი: 204426674), გენერალური დირექტორის პაატა ლომამისა და ფინანსური დირექტორის ლევან ზუროშივილის სახით, (შემდგომში "შზღვეველი"), ერთის მხრივ, და სსიპ კ. კეკელიძის სახ. ხელნაწერთა ეროვნული ცენტრის (მისამართი: ქ.თბილისი საბურთალოს რაიონში/ მ. ალექსიძის 1/3, საიდენტიფიკაციო კოდი: 211368474), მისი დირექტორის ზაალ აბაშიძის სახით, (შემდგომში "დამზღვევი"), მეორეს მხრივ, ვდებთ წინამდებარე ხელშეკრულებას შემდეგზე:

1. ტერმინთა განმარტებები:

ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში.

 - 1.1. "მოსარგებლო" – სადაზღვევო პოლისში მითითებული პირი, რომელიც უფლებამოსილია მიიღოს სადაზღვევო ანაზღაურება დაზღვევის ხელშეკრულების საფუძველზე;
 - 1.2. სადაზღვევო პოლისი (პოლისი) - დაზღვევის დამადასტურებელი დოკუმენტი, რომელიც „დამზღვევს“, მისი მიღების შემდგომ, აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება, წინამდებარე ხელშეკრულებით გათვალისწინებული პირობებით;
 - 1.3. სადაზღვევო შემთხვევა – წინამდებარე ხელშეკრულებით გათვალისწინებული შემთხვევა, რომელიც წარმოადგენს სადაზღვევო ანაზღაურების გაცემის საფუძველს;
 - 1.4. სადაზღვევო პერიოდი – პერიოდი, რომლის განმავლობაშიც დაზღვევა არის ძალაში;
 - 1.5. სადაზღვევო თანხა – პოლისში მითითებული ანაზღაურების მაქსიმალური ლიმიტი, რომლის ფარგლებშიც "შზღვეველი" კისრულობს ვალდებულებას აანაზღაუროს ზარალი;
 - 1.6. სადაზღვევო პრემია (პრემია) – "დამზღვევის" მიერ გადასახდელი პოლისის ღირებულება;
 - 1.7. გამომუშავებული პრემია – პრემიის ის ნაწილი, რომელიც შესაბამისა დაზღვევის დაწყებიდან კონკრეტულ თარიღამდე პერიოდის შეფარდებას საწყის სადაზღვევო პერიოდთან;
2. ხელშეკრულების საგანი
 - 2.1. წინამდებარე ხელშეკრულების საგანს წარმოადგენს "შზღვეველის" თანხმობა "დამზღვევის" მიერ პრემიის სრულად ან პირველი შენატანის გადახდისა და პოლისში შეთანხმებული გადახდის გრაფიკის დაცვის სანაცვლოდ, გაუწიოს "დამზღვევს", მის მიერ მიღებული სადაზღვევო წესების "დაზღვევის პირობების", წინამდებარე ხელშეკრულებისა და საქართველოს კანონმდებლობის შესაბამისად, ქონებრივი/პასუხისმგებლობის ინტერესის დასაცავად სადაზღვევო მომსახურება (CPV 66514110 - "ძრავიანი ავტომობილის დაზღვევა");
 - 2.2. წინამდებარე ხელშეკრულების საფუძველზე განხორციელებული ნებისმიერი ცალკეული, სადაზღვევო მომსახურების პირობები მოცემული იქნება „შზღვეველის“ მიერ გაცემულ პოლისში, რომელიც "დაზღვევის პირობებთან" და წინამდებარე ხელშეკრულებასთან ერთად არგულირებს დაზღვევის ცალკეულ ობიექტებთან დაკავშირებულ მხარეთა ურთიერთობას. ამასთანავე პოლისი წარმოადგენს განხორციელებული დაზღვევის დამადასტურებელ დოკუმენტს, რომელიც "დამზღვევს" მისი მიღების შემდგომ აძლევს უფლებას სადაზღვევო შემთხვევების დადგომისას მოითხოვოს სადაზღვევო ანაზღაურება;
 - 2.3. დაზღვევის საგანი, დაზღვეული პირის ვინაობა, სადაზღვევო რისკი, დაზღვევის დასაწყისი და მისი ხანგრძლივობა, სადაზღვევო თანხის და პრემიის ოდენობა (მისი გადახდის პირობების ჩათვლით) განისაზღვრება უშუალოდ მხარეთა მიერ პოლისის და წინამდებარე ხელშეკრულების მეშვეობით;
 - 2.4. ხელშეკრულებით გათვალისწინებული მომსახურება გაულისხმობს ნებაყოფლობითი საავტომობილო, ..., ..., ... დაზღვევის განხორციელებას. მითითებულ სახეობა(ებ)ში მხარეებს შორის განხორციელებული ყველა დაზღვევა რეგულირდება წინამდებარე ხელშეკრულებით;
 - 2.5. სადაზღვევო მომსახურების ღირებულება და დაზღვევის სხვა პირობები წინამდებარე ხელშეკრულებით განსაზღვრული სადაზღვევო მომსახურებისათვის არის შემდეგი:

დაზღვევის სახეობა	დაფარული რისკები	დაზღვევის ღირებულება (21.08.2015-31.12.2015)	ფრანშიზა	დამატებითი პირობები
საავტომობილო დაზღვევა	ძარის დაზღვევა - "პოლისი ავტო კლასიკი - სრული დაფარვით"	ჯამური ღირებულება - 376.32 ლარი	0%	ტარიფი ითვალისწინებს მხოლოდ ორი მსუბუქი ავტომობილების დაზღვევას დამატებითი დაფარვის ჩათვლით
საავტომობილო დაზღვევა	მესამე პირთა წინაშე პასუხისმგებლობის დაზღვევა	ჯამური ღირებულება - 145 ლარი	0%	ტარიფი ითვალისწინებს მხოლოდ ორი მსუბუქი ავტომობილების დაზღვევას წლიური ანაზღაურების ლიმიტი 22 520 ლარი

- 2.6. "დაზღვევის პირობები" - 2.5 პუნქტში მითითებული სადაზღვევო მომსახურების სახეობა(ებ)ისათვის თან ერთვის წინამდებარე

სადაზღვევო კომპანია

ხელშეკრულებას და წარმოადგენს მის განუყოფელ ნაწილს: საავტომობილო დაზღვევის პირობები,

3. ხელშეკრულების მოქმედების ვადა, მისი ძალაში შესვლისა და შეწყვეტის პირობები
 - 3.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 31.01.2016 ჩათვლით. მხარეებს ეკრძალებათ ხელშეკრულებით პირდაპირი გათვალისწინებული შემთხვევების გარდა მოშალოს ან შეწყვეტონ წინამდებარე ხელშეკრულება;
 - 3.2. „დამზღვევის“ მიერ წინამდებარე ხელშეკრულების და/ან მის საფუძველზე გაფორმებული ნებისმიერი პოლისის ვადამდე შეწყვეტის შემთხვევაში, „დამზღვევი“ ვალდებულია წერილობით შეატყობინოს „ზღვეველს“ ხელშეკრულების მოშლის ან პოლისის გაუქმების შესახებ 1 (ერთი) თვით ადრე, დაუბრუნოს „ზღვეველს“ დაზღვევასთან დაკავშირებული დოკუმენტაცია სრულად და გადაიხადოს დაზღვევის შეწყვეტის მომენტისათვის გამოუმუშავებული პრემიის ორმაგი ოდენობა თითოეული პოლისის მიხედვით, მაგრამ არაუმეტეს პოლისის ერთი წლის პრემიისა. აღნიშნული პირობა მოქმედებს იმ შემთხვევაში თუ წინამდებარე ხელშეკრულების საფუძველზე გაცემული პოლისის(ებ)ის „დამზღვევის“ მიერ ვადამდე შეწყვეტის შედეგად შემცირდება შეწყვეტის მომენტისათვის პოლისებით განსაზღვრული სადაზღვეო თანხის 10%-ზე მეტი, ან იმ შემთხვევაში თუ გაუქმდა წინამდებარე ხელშეკრულება;
 - 3.3. „დამზღვევის“ მიერ პრემიის გადაუხდელობის გამო „ზღვეველის“ მხრიდან ხელშეკრულების ან პოლისის ვადაზე ადრე შეწყვეტის დაზღვევის შეწყვეტის მომენტისათვის გამოუმუშავებული პრემიის ორმაგი ოდენობა თითოეული პოლისის მიხედვით;
 - 3.4. 3.2 და 3.3 პუნქტებით გათვალისწინებულ შემთხვევებში პირობა, პრემიის ოდენობის გადაანგარიშების შესახებ, მოქმედებს „ზღვეველის“ მხრიდან წერილობითი შეტყობინების შემთხვევაში;
 - 3.5. „ზღვეველი“ უფლებამოსილია:
 - 3.5.1. თუ დარღვეა პრემიის გადახდის ვალდებულება (პრემია და/ან მისი ნაწილი დროულად ან დადგენილი ოდენობით არ იქნა გადახდილი), „ზღვეველი“ დამატებითი წერილობითი შეტყობინების გარეშე, 2 (ორი) კვირიანი ვადის გასვლის შემდგომ თავისუფლდება დაზღვევით ნაკისრი მოვალეობის შესრულებისაგან. გადახდის გრაფიკის აღდგენის და პირგასამტეხლოს გადახდის შემდეგ, მხარეთა ურთიერთობა გაგრძელდება წინამდებარე ხელშეკრულების მიხედვით. თუმცა ამავე დროს „ზღვეველი“ არ იქნება პასუხისმგებელი მხარეთა ურთიერთობის აღდგენამდე მომხდარი სადაზღვეო შემთხვევების შედეგად წარმოშობილი ზარალის ანაზღაურებაზე;
 - 3.5.2. „ზღვეველი“ უფლებამოსილია მოშალოს ხელშეკრულება იმ შემთხვევაში თუ ინფორმაცია, რომელიც მას დაზღვევის ხელშეკრულების დადებისას მიეწოდა, შეიცავს არასწორ მონაცემებს და/ან ინფორმაციის შეუტყობინებლობის შემთხვევაში. ასეთ შემთხვევაში ხელშეკრულების მოშლა შესაძლებელია სადაზღვეო შემთხვევის დადგომის შემდეგაც, იმ შემთხვევაში თუ გარემოებამ, რომლის შესახებაც დაირღვა ინფორმაციის შეტყობინების ვალდებულება, გავლენა მოახდინა სადაზღვეო შემთხვევის დადგომაზე და „ზღვეველის“ მოვალეობის შესრულებაზე, მაშინ „ზღვეველი“ თავისუფლდება ნაკისრი მოვალეობის შესრულებისაგან;
 - 3.5.3. მოშალოს ხელშეკრულება 1 (ერთი) თვიანი ვადის დაცვით საფრთხის გაზრდის შესახებ ინფორმაციის შეტყობინების მიღების შემთხვევაში, ვადის დაცვა აუცილებელი არ არის თუ „დამზღვევმა“ საფრთხე განზრახ გამოიწვია;
 - 3.5.4. „ზღვეველი“ უფლებამოსილია შეწყვიტოს ხელშეკრულება ახალ შემქმნთან ქონების გასხვისების შესახებ ინფორმაციის მიღებიდან 1 (ერთი) თვის ვადაში;
 - 3.6. მხარეებს უნდა ეცნობოთ ხელშეკრულების მოშლის შესახებ წერილობით;
 - 3.7. წინამდებარე ხელშეკრულების მოქმედების ვადა ავტომატურად გაგრძელდება იგივე პერიოდით, იმ შემთხვევაში, თუ რომელიმე მხარემ წერილობით არ განაცხადა მისი შეწყვეტის სურვილი, ხელშეკრულების ვადის გასვლამდე 1 (ერთი) თვით ადრე.
4. სადაზღვეო პრემია, მისი გადახდის წესი და პირობები
 - 4.1. პრემიის ოდენობა და მისი გადახდის წესი განისაზღვრება წინამდებარე ხელშეკრულების საფუძველზე გაცემული პოლისის(ებ)ისა და/ან წინამდებარე ხელშეკრულების მეშვეობით:

პრემიის გადახდა ხდება გრაფიკის მიხედვით: ერთჯერადად.
 - 4.2. პრემიის გადახდა უნდა მოხდეს ლარით, გადახდის დღისათვის ეროვნული ბანკის მიერ დადგენილი გაცვლითი კურსის მიხედვით;
 - 4.3. „დამზღვევი“ ვალდებულია ანგარიშსწორება მოახდინოს პოლისებით განსაზღვრული გრაფიკის მიხედვით, ყოველგვარი დამატებითი შეტყობინებისა და ინვოისის წარდგენის გარეშე, ამასთანავე „ზღვეველის“ მიერ ინვოისის წარუდგენლობა არ ათავისუფლებს „დამზღვევს“ თანხის გადახდის მოვალეობისაგან;
 - 4.4. პრემიის ოდენობა ლარში უნდა განისაზღვროს შემდეგი წესით: ლარის გადახდილი ოდენობა უნდა იყოს იმდენი, რამდენიც აუცილებელი იქნება დოლარში / ევროში გამოხატული პრემიის თანხის საქართველოს ეროვნული ბანკის კურსით (შესაბამისი გადახდის დღისათვის) შესაძენად;
 - 4.5. თუ თანხის გადახდის დღე დაემთხვა არასამუშაო ან საქართველოში გამოცხადებულ უქმე დღეს, შესაბამისი დღის ნაცვლად გამოიყენება მომდევნო სამუშაო დღე;
 - 4.6. პრემიის გადახდა მოხდება ნაღდი ან უნაღდო ანგარიშსწორებით „დამზღვევის“ არჩევანის შესაბამისად. ნაღდი ანგარიშსწორების შემთხვევაში პრემიის (ნაწილის) გადახდა დასტურდება საქართველოს კანონმდებლობით დადგენილი წესით. უნაღდო ანგარიშსწორების შემთხვევაში თანხა გადახდილად იქნება მიჩნეული მისი „ზღვეველის“ ანგარიშზე ფაქტობრივად ჩარიცხვის შემდეგ;
 - 4.7. პრემიის სრულად ან პირველი შენატანის გადახდამდე ან გადახდის გრაფიკის დარღვევის შემთხვევაში „ზღვეველი“ თავისუფლდება ხელშეკრულებით გათვალისწინებული ნაკისრი ვალდებულებების შესრულებისაგან, რაც ამავე დროს არ ათავისუფლებს „დამზღვევს“ წინამდებარე ხელშეკრულებით გათვალისწინებული ვალდებულებების შესრულებისაგან.
 5. მხარეთა უფლებები და მოვალეობები
 - 5.1. „ზღვეველი“ ვალდებულია:
 - 5.1.1. უზრუნველყოს „დამზღვევისათვის“ ყველა იმ დოკუმენტის გადაცემა (განაცხადები, დაზღვევის პირობები და პოლისები), რომლებიც საჭიროა დაზღვევის გაფორმებისათვის;
 - 5.1.2. „დამზღვევის“ მიერ ხელშეკრულებაში მითითებული გრაფიკის შესაბამისად გადახდილი პრემიის საფუძველზე სადაზღვეო შემთხვევის დადგომისას და ანაზღაურების ოდენობის განსაზღვრის შემდეგ აუნაზღაუროს „დამზღვევს“ (ან „მოსარგებელს“) ზარალი წინამდებარე ხელშეკრულების დანართ(ებ)ში მოცემული „დაზღვევის პირობების“ შესაბამისად;



- 5.1.3 არ გაახმაუროს "დამზღვევთან" საქმიანი ურთიერთობების შედეგად მოპოვებული ინფორმაცია, გარდა საქართველოს კანონმდებლობით გათვალისწინებული შემთხვევებისა;
- 5.1.4 უზრუნველყოს და პერმანენტულად გააკონტროლოს სადაზღვევო მომსახურების ხარისხი;
- 5.2. "ზღვეველი" უფლებამოსილია:
- 5.2.1. "დაზღვევის" მხრიდან ხელშეკრულების პირობებისა და პრემიის გადახდის გრაფიკის დარღვევის შემთხვევაში შეწყვიტოს სადაზღვევო ხელშეკრულება;
- 5.2.2. არ გასცეს ან სრულად არ გასცეს სადაზღვევო ანაზღაურება "დაზღვევის" მიერ წინამდებარე ხელშეკრულების პირობების დარღვევის შემთხვევაში;
- 5.2.3. "დაზღვევის" მიერ პრემიის გადახდის გრაფიკის დარღვევის შემთხვევაში წერილობით მოითხოვოს "დაზღვევისაგან" პირგასამტეხლოს გადახდა დავალიანებული პრემიის 0.20%-ის ოდენობით თითოეული ვადაგადაცილებული დღისათვის; პირგასამტეხლოს დარიცხვა/ათვლა დაიწყება წერილობით შეტყობინებაში მითითებული თარიღიდან. ამასთანავე პირგასამტეხლო გადაიხდება დამატებით, პრემიის გადახდის ვალდებულების მიუხედავად, რომლის გადახდაც არ ათავისუფლებს "დაზღვევს" ნაკისრი ძირითადი ფულადი ვალდებულების შესრულებისაგან;
- 5.2.4. არ ანაზღაუროს სადაზღვევო შემთხვევით დამდგარი ზარალი „დაზღვევის“ მიერ სადაზღვევო შემთხვევის გაყალბების აღმოჩენის შემთხვევაში. ასეთი დარღვევის აღმოჩენის შემთხვევაში "ზღვეველი" უფლებამოსილია დააჯარიმოს „დაზღვევი“ 5'000 (ხუთი ათასი) ლარის ოდენობით;
- 5.2.5. მოითხოვოს პრემიის გაზრდა 5.3.3. პუნქტის მიხედვით რისკის ცვლილების შესაბამისად;
- 5.2.6. სადაზღვევო შემთხვევის დადგომის შემდეგ მოსთხოვოს "დაზღვევს" ყოველგვარი ცნობა, რომელიც აუცილებელია სადაზღვევო შემთხვევის დასადგენად დაან მოვალეობის მოკულობის განსასაზღვრად;
- 5.2.7. უარი თქვას ანაზღაურების მოვალეობის შესრულებაზე თუკი "დაზღვევი" დაარღვევს ქონების გასხვისების შეტყობინების ვალდებულებას;
- 5.2.8. მოითხოვოს "დაზღვევისაგან" წინამდებარე ხელშეკრულებით და "დაზღვევის პირობებით" დაკისრებული ვალდებულებების სრულად შესრულება;
- 5.3. "დაზღვევი" ვალდებულია:
- 5.3.1. გადაიხადოს პრემია ხელშეკრულებაში დასა პოლისში მოცემული პირობებისა და ვადების დაცვით;
- 5.3.2. პოლისის მიღებამდე გააცნოს "ზღვეველს" ყველა მისთვის ცნობილი გარემოება, რომელსაც არსებითი მნიშვნელობა აქვს საფრთხის ან სადაზღვევო შემთხვევის დადგომისათვის;
- 5.3.3. პოლისის მოქმედების პერიოდში დაუყოვნებლივ შეატყობინოს "ზღვეველს" ყველა იმ ცვლილების შესახებ, რომელიც ზრდის სადაზღვევო რისკის ზომას ან ხარისხს და რომელიც აღმოცენდა დაზღვევის ძალაში შესვლის შემდგომ (არსებითი გარემოებები, რომელიც აღმოცენდა დაზღვევის ხელშეკრულების დადების შემდეგ);
- 5.3.4. "დაზღვევი" ვალდებულია დაზღვევით გათვალისწინებული შემთხვევის დადგომისას შეძლებისდაგვარად თავიდან აიცილოს დასა შეამცროს ზიანი და ამასთან დაკავშირებით შეასრულოს "ზღვეველის" მითითებები (ასეთის არსებობის შემთხვევაში);
- 5.3.5. ხელი შეუწყოს "ზღვეველის" მიერ სადაზღვევო შემთხვევასთან და მის შედეგებთან დაკავშირებული ინფორმაციის მოკვლევა-მოძიებას;
- 5.3.6. გადასცეს "ზღვეველს" ყველა აუცილებელი დოკუმენტი, რომელიც დადასტურებს "დაზღვევის" მიერ "ზღვეველისათვის" შესაძლო პირის მიმართ ზიანის ანაზღაურების თაობაზე მოთხოვნის გადაცემის ფაქტს;
- 5.3.7. "დაზღვევი" ვალდებულია შეატყობინოს შესაძლო პირს თავისი განზრახვა დაზღვიოს მისი ქონება ან მასთან დაკავშირებული ინტერესი, დაზღვევის ობიექტის ზუსტი მითითებით და ასევე შეატყობინოს დაზღვეულს დაზღვევით გათვალისწინებული ვალდებულებების შესახებ. ქონების დაზღვევისას დაზღვეულს, რომელიც არ არის "დაზღვევი", უნდა ჰქონდეს ამ ქონების შენარჩუნების ინტერესი;
- 5.3.8. სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს "ზღვეველთან" საკონტაქტო პირი;
- 5.3.9. დაზღვეულის სასარგებლოდ ხელშეკრულების დადება არ ათავისუფლებს "დაზღვევს" წინამდებარე ხელშეკრულებით ნაკისრი ვალდებულებების შესრულებისაგან;
- 5.4. "დაზღვევი" უფლებამოსილია:
- 5.4.1. მოითხოვოს "ზღვეველისაგან" წინამდებარე ხელშეკრულებით და "დაზღვევის პირობებით" დაკისრებული ვალდებულებების სრულად შესრულება;
- 5.4.2. "ზღვეველის" მიერ "დაზღვევის პირობებით" ნაკისრი სადაზღვევო ანაზღაურების გადახდის ვალდებულების დარღვევის შემთხვევაში წერილობით მოითხოვოს "ზღვეველისგან" პირგასამტეხლოს გადახდა გადასახდელი სადაზღვევო ანაზღაურების 0.20%-ის ოდენობით ყოველ ვადაგადაცილებულ დღეზე, რაც არ ათავისუფლებს "ზღვეველს" ნაკისრი ძირითადი ფულადი ვალდებულების შესრულებისაგან; ამასთანავე პირგასამტეხლოს დარიცხვა/ათვლა დაიწყება შესაბამის წერილობით შეტყობინებაში მითითებული თარიღიდან;
- 5.4.3. პოლისის დაკარგვის ან განადგურების შემთხვევაში, მოსთხოვოს "ზღვეველს" დაკარგული პოლისის შესაბამისი წესით უფარვისობის გამოცხადება და პოლისის განახლება.
6. ფორს-მაჟორი
- 6.1. ხელშეკრულების, რომელიმე მხარის მიერ ხელშეკრულების პირობების შესრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შესრულებლობა არის ფორს-მაჟორული გარემოებების შედეგი;
- 6.2. წინამდებარე ხელშეკრულების მიზნებისათვის ფორს-მაჟორი ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;
- 6.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობით შეტყობინება ასეთი გარემოებების და მათი გამოწვევი მიზეზების შესახებ.
7. სადაო საკითხების განხილვა
- 7.1. წინამდებარე ხელშეკრულებისათვის, მხარეთა მიერ ხელშეკრულების შესრულების ადგილად მიჩნეულია "ზღვეველის" იურიდიული მისამართი;
- 7.2. ხელშეკრულების მოქმედების პერიოდში წამოჭრილი ყველა დავა და უთანხმოება გადაწყდება მხარეთა შორის მოლაპარაკების გზით. თუ



მხარეები ვერ მიაღწევენ შეთანხმებას, საქმე განსახილველად გადაეცემა სასამართლოს და დავები გადაწყდება საქართველოს მოქმედი კანონმდებლობის შესაბამისად.

8. მხარეთა ურთიერთობა
 - 8.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობით შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;
 - 8.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.
9. ინსპექტირების პირობები
 - 9.1. ხელშეკრულების შესრულების კონტროლს განახორცილებს ხელნაწეთა ეროვნული ცენტრის წარმომადგენელი, ცენტრის სამეურნეო სამსახურის ხელმძღვანელი - ზვიად ნადარეიშვილი.
10. დამატებითი პირობები
 - 10.1. მხარეები პასუხს აგებენ ხელშეკრულებით ნაკისრი ვალდებულებების შესრულებლობისათვის და/ან არააქვერფანი შესრულებისათვის საქართველოს კანონმდებლობით დადგენილი წესით;
 - 10.2. "დამზღვევი" წინამდებარე ხელშეკრულებაზე ხელმოწერით ადასტურებს რომ წინამდებარე ხელშეკრულება და "დაზღვევის პირობები" არ შეიცავენ ბუნდოვან ან უჩვეულო დებულებებს და რომ იგი სრულად გაეცნო და მიიღო აღნიშნული პირობები. მხარეები წინამდებარე ხელშეკრულებაზე ხელმოწერით, აგრეთვე ადასტურებენ რომ აღნიშნული პირობებით გათვალისწინებულ დებულებებს გააჩნიათ მხარეთათვის სავალდებულო ძალა;
 - 10.3. წინამდებარე ხელშეკრულების საფუძველზე გაცემული პოლისები და "დაზღვევის პირობები" წარმოადგენს წინამდებარე ხელშეკრულების განუყოფელ ნაწილს;
 - 10.4. "დამზღვევი" აცხადებს და ხელშეკრულებაზე ხელმოწერით, აგრეთვე ადასტურებს, რომ წინამდებარე ხელშეკრულება და "დაზღვევის პირობები" განიხილა მის ნებას. მას მოპოვებული აქვს ხელშეკრულების დადებისათვის კანონმდებლობით და წინამდებარე ხელშეკრულებით გათვალისწინებული ყველა საჭირო თანხმობა და ნებართვა;
 - 10.5. "დაზღვევის პირობებსა" და წინამდებარე ხელშეკრულებას შორის ნებისმიერი შეუსაბამობის გამოვლენის შემთხვევაში მხარეები უპირატესობას ანიჭებენ „დაზღვევის პირობებს“;
 - 10.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;
 - 10.7. ხელშეკრულება დადებულია საქართველოს კანონმდებლობის შესაბამისად და ინტეგრირებული იქნება საქართველოს კანონმდებლობის მიხედვით. ყველაფერ დანარჩენში, რაც არ არის გათვალისწინებული ხელშეკრულებით, მხარეები ხელმძღვანელობენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის მოქმედების შეწყვეტის შემთხვევაში ხელშეკრულების დანარჩენი პუნქტები ძალაში რჩება;
 - 10.8. ხელშეკრულების ხელმოწერის შემდგომ ხელმოწერამდე არსებული ნებისმიერი სხვა სიტყვიერი ან წერილობითი შეთანხმება ხელშეკრულებით მოწესრიგებულ საკითხებთან დაკავშირებით ზათილია;
 - 10.9. "მზღვევი" არ არის პასუხისმგებელი ნებისმიერი სახის მომსახურების ხარჯების ანაზღაურებაზე, რომლებიც არ არის გათვალისწინებული წინამდებარე ხელშეკრულებით;
 - 10.10. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლარად, თითო ყოველი მხარისთვის.
11. მხარეთა იურიდიული მისამართები და ხელმოწერები:

"მზღვევი"	"დამზღვევი"
სს "სადაზღვევო კომპანია ჯიბიაი ჰოლდინგი" საიდენტიფიკაციო კოდი: 204426674	სსიპ კ. კველიძის სახ. ხელნაწეთა ეროვნული ცენტრი საიდენტიფიკაციო კოდი: 211368474
მისამართი: ქ. თბილისი, კოსტავას # 67, თბილისი, საქართველო	მისამართი: ქ.თბილისი, მ. ალექსიძის ქ. 1/3
 <p>პაატა ლომაძე გენერალური დირექტორი</p> <p>ლევან ზურაბიანი ფინანსური დირექტორი</p>	 <p>ზაალ აბაშიძე დირექტორი</p>

